

皇朝經世文三編

節齋題

局外旁觀論

赫德

一矮人立於長人肩上所見必遠於長人廬山真面目惟在山水外者得見其全旁觀敢抒所見亦然或效一得之愚一論事必察事實始能扼要以虛為實所論浮誇以實為虛所論無確況事情之與日變通勸行之道貴因乎時惟望當局者采聽焉一立論貴實所論中華自有紀載以來歷數千年莫古于中國而自四海各國觀之莫弱于中國事之真也自古不通于外國近數十年各國漸漸與中國往來若欲開關拒絕原所不易情之變也不此之計而所謂立言施行者果何所主哉一論中華情事者一曰內情一曰外情也今日之外情係由前日之內情所致而日亦內情亦必有外情所變一內情局外難言旁聽者只可轉傳如律例本極允當而用法多屬因循制度本極精詳而日久盡為虛器外省巨工不能久于其任以致盡職者少營私者多寄耳目于非人而舉動未當供貪婪于戚友而民怨弗聞在京大小臣工名望公正者苦于管轄甚多分內職分反無講求之暇部員任倉吏操權以費之有無定准駁使外官清廉者必被駁飭如是而欲民生安業豈可得耶各省籌畫款項通踰萬萬而兵丁欠餉竟至累月經年兵勇之數稱千百萬按名排點實屬老弱愚蠢充數而已平日挑抬營生未經訓練一旦令其戰陣寔驅市人而使關以刀矛為耒耜駐防人等平時拉弓舉石只講架式股肱怠惰只得養鳥消遣賊至未決一死戰而全家自盡請卹矣對敵之時賊退始肯前進賊如不退兵必先退帶兵官且以勝仗具報矣乃殺一二平民或由賊去而遇未剃髮之村農且以斬馘髮逆無算入告邀功妄通經原為致用而今之士人書籍非不熟讀詩文非不精通使之出仕而于人所應曉之事問之輒不能答一旦身居民上安能剔弊厘奸定制為上下所遵守如居官者迴避本省一條係為防弊而設然人品豈無正直原籍情形既熟言語皆通名望所孚乃格于成例而使官別省俸滿即行升調于地方公事未及深究胥吏反得久據衙署以售其奸年滿更換之說盡屬虛語此例所欲禁弊即由此例而生禁止邪教原為崇正乃各省以神靈顯佑奏請匾額者屢屢各省檢欺送催而民言剝皮及至大小所需飭令捐備例不准銷是令舞弊也法本善而反惡種種非是以致萬國之內最順之百姓竟致處處不服變亂吁事不以實而徒飾虛文可乎一旁觀者論內情文武各事之行盡屬于虛執法者惟利是視理財者自便身家在上者即有所見亦如無見遠情不能上達上令不能遠行以上各情局外常情中國以此懦弱不振若有窺伺之意即內與外往來者連聞其說難保無貌上不服作亂之害所言今日之外情由昔日之內情所致何也中國土產本為外國所缺外國各貨內地可

銷由此有通商之舉其勢日密居官者初視洋人以夷待之如狗人來日多身物無可倚恃必須定章方有可憑是以道光年間始動于戈嗣有條約均以日後必要為善惟條約所允地方當有違背動令洋人懷疑上司不知所致而上憲不悟無奈復動于戈得有隨時赴京明文方息迨後因可赴京以為更安乃大臣初次北上仍以夷相待違約阻止復致興兵在京換約派常駐之大臣致有庚申年之事似此文字皆由智淺而欲輕人力弱而欲服人現在某事當行某事不當行已有條約可憑一經背約即有開故之患所言外患由內召此也茲定貿易而行必啟外人進一步之畔一外情係內情所致而外情何也前數十年中國與外國並無往來亦謂所謂章程且中國并不知外洋有如許國現在議定條約有十國之多駐京有外國所派大臣新設有衙門專辦各國事務且數年前幾次有事可見外國請力可得通商條約非中國本意係由外國而定外國定約係因保全往來外國之故各國往來之故不同為通商有三大國而定約之要又有三曰邊界曰傳教曰貿易而其國為俄法英也至邊界一節俄國與中國有萬里之相連畫界辦交涉事件非有定章不可是以俄國來往較列國為最早現在定約邊界已與昔年不同至傳教一節天主教及耶穌教者以此為正以別教為邪傳教者皆謂盡此之本分而便益于彼傳耶穌教者非止一國之人且小有不同皆係民間捐資令往各處傳教以為善舉與國家無涉傳天主教者不同各國之人皆有然教內有教皇統轄各處傳教之人與各國君為平等而各國以天主為教之國皆當為之護法奉此為國教而法國為首通商各條約內皆有准傳教並保護奉教章程奉教者交接周密無處不聽傳教之言奉教者無不奉教皇之命傳教內有故奉教各國必來調理即如法國有害廣西有善傳教之事致派兵直抵京門至貿易一件各國雖有分而英國為首論貿易之事不過以貨納何稅何處作口岸何處准居住等語為要有章程可憑各國各有着落若一違章均于各國有關不得輕視以上三節既定有條約必應于邊界循照舊章必應准傳教而保護奉教必應于貿易遵守各章此數言係係外情一外情如此照辦與否于內情有何關係一民間立有合同即國中自有條約民間如違背合同可以告官准理國中背條約在萬國公法准至用兵敗者必認舊約賠補兵費均外加保方止中國初次與外國定約並未以條約為重不過聊作退敵之策至今萬眾之內或有一二人知有條約然未識條約之重未知條約之害一照約辦理內情如何曰民化而國興外國所有之方便民均可學而得中國原有之好處可留而遵外國之方便者不一而足如車舟之于水陸工巧器具寄信電機銀錢式樣軍火兵法等均極精妙國民與沾其益願學者皆能學故曰民化中外來往日多而敦好外無多事之擾內有學得之益故曰國興一不照辦則年比年相識日比日相親民化而國新若如何照辦違章大不同乃有動兵之舉國亂之災旁觀者言違約者或因不肯照約或因不能照約若因不肯必至有出而勉強者若因不

能必至有起而代行者前次動兵可見泰西最小之國尚有必得之力或者邊界有事俄國何難佔地若教內有故致由外進兵奉教者何難相助若貿易有阻止而英國進兵各國必從一經動兵外國有得無失是以當留心而免之常聞外論中國官民可以利動勢處極弱而不守信若再有動兵之事成敗得失不待智者而決是以或有應辦或有請辦不如早辦不致後日為人所勉強也一內情壞至此外國險至此內事旁觀者自不敢多勸已有章程旁觀者祇可指出內外必欲辦之事一內所應行其難辦實在無財然無財非因民間真無財亦非因理財所得之少惟官之下取於民者多而上輸于國者少民力亦肯多輸難在無財是以各項錢糧均因整頓即如鹽課地丁稅餉之項各項應派明幹大員將各處情形細查從新定日後之辦法其地丁一項本係其輕無人耕地自無他糧既耕糧地本輕或可照土產貴賤分別征多征少得耗當去而正課自增其鹽課一項無私鹽之處甚少而辦鹽之員未嘗無財其稅餉一層沿海各口內地各關均有飽私囊而漏公項之弊以上三項若認真整頓日後所得之銀可敷國家之用錢糧之外應派大員查察如舊例之應變通刪改者不致于日後應辦之事有窒礙財既得而例無碍文武各事不難更正文之要惟各官俸祿各等官員應予以足敷用度定數不致再外設法得錢升官加俸查明署內應用人若干并開銷經費各人雖數不少向係均得度日之銀左右之民均言被勒其民不民服並非因被勒之多因無定時無定數而係私取若因國家用度新定民間應納各項銀兩必無不服所交之銀並無格外為難反或較少仍足各官重祿各署定費若此意向外任問詢如何均不願必答不行茲法實益國政豈有外不遵內而必以內聽外之理武之要在兵精不在兵多兵法兵數兵餉兵有應改各省若有兵五千人常留營操練不准出外謀生十八省不過九萬之多此時百萬不得力而省京都只養一萬之數此費可于洋稅扣滿四成之數支銷再文武應准本省居官為官係明理之人在本省熟悉風俗語言署內有無弊數來自外省人更易查出其餘一切事宜日後可設法隨時整頓必致國民安富一凡有外國之可教善法應學應辦即如鑄銀鑄錢以便民用做輪車以利行人造輪船以便涉險置電氣以通信外國之好法不止四條然旁觀勸行之意不在此係在外國日後必請之事一 大皇帝召見各國駐京大臣若不允見雖不便劇至夫好惡必藉他端以生事不如先告以可見一命大臣駐劄外國于中國有大益處在京所駐之大臣若請辦有理之事中國自應照辦若請辦無理之事中國若無大臣駐其本國難以不照辦一准洋商合華商會製輪車電機等事一以上所勸行係將舊例地丁鹽課稅餉官俸兵制整頓外係召見命使會製各見無損命使自護會製民富一內外所勸行者若云非一日能好然愈早則愈好惟應另有數事立應料理若不將此數事辦完想辦餘事恐晚船將沈白日不及修矣一潮州進城之事經五年之久文書往來至未領事未曾進城而事愈久愈難多年不照條約辦

理均意或以未肯或以未能之故茲再不辦必致生事一係田提督朱季上次所錄 上諭與先數日給駐京大臣閱看之稿有
不同之處以致幾生弊端雖奉有 諭旨若知其人仍安居無事後辦此事案不足行事至其未完各事不如早了一未了各事
勸早料理者非他倘不早了必致興動干戈無不知中外交兵外有必勝之勢若敗而始了各事外必不能以此而罷兵也外所
欲得之事現已深知若再戰勝其事更不可問兵一旁觀所論並非恐嚇之輕語而外日後必引各事並非欲害中國各國所欲
並無他意惟願中國能守和睦如上年照約退兵各處會同剿賊可見實心相待之意中外通商若以後不再動兵外亦甚悅即
如求益免損各願體面各國往來常有因此等事而用兵也若潮州井田提督二事實有此情若仍因循不辦必致生事事則
不了矣一潮州進城一節事關大局宜派大員往辦或請 旨命廣督前往或命李宮保前去至田提督一節不如由京派大員
跟兵後數名內江輪船直赴川查提到案二事九宜速辦數日後新到英國大臣若知有五年未辦之事難以再待將就法國因
貴州事未完必不甘服一處有事各處必牽起相向中國有失而無得一所說日後內情必由外情而變此意可明奉勸各事若
不試辦無庸提及泰西各國左近日本暹羅各小國欲要作亂作無可抵擋若照行泰西各國必致忻悅無事不助無時不合蓋
萬國來往向來各國讓各國之事中國若不讓各國必不服若讓而作萬國之友其地廣大其民眾多文義均通安分務工止有
國政轉移無難為萬國之首若不轉移數年必為外洋萬國之役日後之內情均由此日之外情而生此日之外情在王爺大人
之手諸臣之決斷萬民之造化也

論中國積弱由於防弊

先王之為天下也公故務治事後世之為天下也故務防弊務治事者雖不免小弊而利之所存恒足以相掩務防弊者一弊未
弭百弊已起如葦漏屋愈葺愈漏如補破衲愈補愈破務治事者用得其人則治不得其人則亂務防弊者用不得其人而弊滋
多即用得其人而事亦不治自秦迄明垂二十年法禁則日密政教則日夷君權則日尊國威則日損上自慮官下自萬姓游于
文網之中習焉安焉馴焉擾焉靜而不能動愚而不能智歷代民賊自謂得計變本加厲之及其究也有不受節制出于所防之
外者二事曰彝狄曰流氓二者一起如湯沃雪遂以滅亡于是昔之所以防人者適足為自弊之具而已梁啟超曰吾嘗讀史鑑
古今成敗興廢之迹未嘗不憤悵而悲也古者長官有佐無貳所以盡其權專其責易于考績王制公羊傳春秋繁露所述官制
此今制一尚書兩侍郎之制宗伯司馬司徒司空復有小宰小司徒小宗伯小司馬小司徒小司寇小司空曰正皆卿一人凡貳皆中大夫二人
漢制九卿尚沿斯制後魏太和十五年始有之

後世懼一部之事一人獨專其權也于是有尚書復有侍郎重以管部計一部而

虛望後世慮士之沽名官之徇私也于是為帖括詩賦以錮之浸假而鎖院而搜檢而糊名而謄錄而迴避若夫試官固天子近侍親信之臣親試于廷然後出之者也而使命一下嚴封其宅馬所至嚴封其寓馬行也嚴封其舟車馬若盛重國防之誠密矣然暗中摸索擇善賭戲驅人于不學導人以無恥而關節請託之弊卒未嘗絕也古之學者以文會友師儒之官以道德民後世恐其聚眾而持清議也于是戒會黨之名嚴講學之禁防之誠密矣然而儒不談道獨學孤陋人才彫落士氣不昌徒此無忌憚之小人借此名以陷君子為一網打盡之計也古者疑獄汎與眾共懸法象魏民愚讀之蓋使知而不犯寬而得伸後世恐其民之狡賴也端生堂堂以登之陳列榜揚以曉之防之誠密矣然刁豪者藉此以嚇小民愚弱者每因此而戕命猾吏附會例案上下其手冤氣充塞而莫能救正也古者天子時巡與國人文君其于臣賤亦答拜漢世丞相謁天子御座為起在輿為下郡縣小吏常得召見後世恐天澤之分不嚴也九重深閉非執政末由得見防之誠密矣然生長深宮不聞外事見賢士大夫之時少見宦官宴之時多則主德必昏也上下踈孤君視臣如犬馬臣視君如國人也凡百庶政罔不類是雖更僕悉數為難數悠悠二千歲莽莽十數姓謀謨之臣比肩掌故之書充要稜其立法之根不出此防弊之一心謬種流傳遂成通理以慎密安靜為美德以好事喜功為惡詞客容者有功硯硯者必缺在官者以持祿保位為第一義綴學者以束身自好為第一流大本既失末亦隨之故語以開鐵路必曰恐妨舟車之利也語以興機器必曰恐奪小民之業也語以振商務必曰恐壞浮樸之風也語以設學會必曰恐導標榜之習也語以改科舉必曰恐開躁進之門也語以鑄幣楮必曰恐蹈宋元之轍也語以采礦產必曰恐為晚明之續也語以變武科必曰恐民挾兵氣以為亂也語以輕刑律必曰恐民藐法紀而滋事也坐此一念百度不張譬之冲病自驚自恒以廢寢食譬之痼病不痛不癢僅卧床蓐以待死期豈不異哉豈不傷哉防弊之心烏乎起曰起于自私請言公私之議西方之言曰人人有自主之權何謂自主之權各盡其所當為之事各得其所應有之利公莫大焉如此則天下平矣防弊者欲使治人者有權而受治者無權收人人自主之權而歸之一人故曰私雖然權也者兼事與利言之也使以一人能任天下人所當為之事則即以一人獨享天下人所獨得之利君子不以為泰也先王知其不能也故曰不患寡而患不均又曰君子有絮矩之道言公之為美也地者積人而成國者積權而立故全權之國強缺權之國殃無權之國亡何謂全權國人各行其固有之權何謂缺權國人有有權者有不能自有其權者何謂無權不知權之所在也無權烏乎起曰始也欲以一人而奪眾人之權然眾權之繁之大非一人之智與力所能任也既不能任則其權將糜散墮落而終不能以自有唯無向者眾人所失之權其不能復得如故也于是乎不知權之所在故防弊者始于爭權終于讓權何謂讓權天下有事上之在于天子曰議以聞是讓權于部院部院

議可移文疆吏是讓權于督撫督撫以頒于所屬是讓權于州縣州縣以下于有司是讓權于吏胥一部之事尚待互讓一省之事豈無互讓一國之事君民互讓爭固不可也讓亦不可也爭者損人之權讓者損己之權爭者半而讓者半是謂缺權舉國皆讓是謂無權夫自私之極乃至無權無則防弊何為乎吾請以一言蔽之曰因噎而廢食者必死防弊而廢事者必亡

新議論略照會

前任英國欽差 阿欽使

為照會事照得本大臣進京三月有餘備文瀆問甚少蓋奉我國欽差大任甚重先宜將已結未結各等案件詳晰清查方可隨時陳論諒貴親王亦以為然故已將本館所存案件全行開畢而所有尋常各案雖皆明悉尚有內外相關最要之端從前雖在貴國十六年未能盡語亦不能僅見存案便悉必須訪問方知其詳因思己未年間雜華兩國來往儀節尚未盡備我大君主深欲和議商務永保其全日見增益本大臣仰體君心凡有關於敦誼和睦之事必須詳細觀看查核斟酌當理更思外交增減全在內地禍亂能否速平是為至要之務因此今參贊大臣威即將中華目今大勢以及百官相待外國情形借用外國新樣各等節備具略論一紙以期本大臣庶可得知其實茲該大臣遵行繕具前來閱覽之下深悉論內所陳情理貴親王可以詳查實于大局良為有益當該令大臣赴署面交列位大臣轉達因查威大臣署理本國事務已及年半外在中華許久所有內地語言文義以及人情稍為通曉想貴親王亦所深知更可知其凡于中華官民各事無論取益防損無不盡心關切茲將內政外交危險之處言明其危何在不能不指其由則不能不切直言之是以本大臣似可無庸備文照會不如委曲以達務望貴親王鑒大臣此婉轉之心尚不將要論一紙輕置為幸也為此照會須知照會者

新議論略說帖

咸妥嗎

今日奉阿大臣派弟前來親將論略一件呈覽弟有兩節奉懇諸位大臣原諒一在文理內有轉折自與貴國不同此次所具此篇過長其次序本末難免有欠圓到之處且因外國理論與貴國亦殊迥異不免中有欠順之詞一則事體蓋思凡人處事稍欠妥協雖有本人好意相勸中心未免不愜惟是旁觀有危必須切直而陳方盡友誼之分遵備略論所議各節數年共事以來大半無非實告今奉阿大臣詢及貴國目今大勢以及將來如何不能不為切直言之其所以更應直言者實因目前時勢尤危非謂毫無起色但較前稍為進步而據弟所聞各國每有緩不濟急之言此言日見其多而體諒之心似覺減少我阿大臣深以本國相待貴國無非敦篤友誼之義惟思本國商民在華日久或難保護抑或偶因別故勢迫自行設法完局諸國亦必相從他國先至于此本國亦難獨違我阿大臣洞悉其理指明中華免危之計惟在借法自強故令弟備此以聞尤因中外諸務較之從前

頗為膠漆之至內或受危外亦不免其害然則此次所陳雖由中國現時不佳而起而中華所有諸病亦為我國嗣後受害之漸為此不能不能為之直陳敢祈原諒大英國欽差阿誼及中華目前大勢欲知嗣後和好保其長久威譽贊以憑中國能否內願改政外篤友誼遵行特陳大略一竊以現在所有承辦中外各國事務不分華外各大臣欲知將來有無常能盡誼只得設為問答方見其寔試問中華日後能否保其自主此言無所不包甚願中國永能防侵害禦其時勢免代慮之深一中華內患甚深外交或未至失和大藥亦皆冷淡而立約各大邦來華各有難棄之要務天下之亂屢年不止各國想敦誼不願干預而大亂未已早晚誠恐易致擾越況因文結隣邦多有堅執閉絕有清各國體制何能遂其睦好之心且內地理尚執定見不肯借取新法平治內亂保其外局現不受損日後更增所有應得之利實致中國原有不願干預之心因此見減少一所云內患甚深歷年有之不必遽觀自道光二十五年以來邸報所傳上諭摺奏等件覽畢可知自今直省之中若云全省無賊是不易言蓋賊皆會匪入會寧意不過搶掠旗號所書均欲立國為君即如雲南滋亂之極甚至有無官員皆不可知新疆回民到處變亂更至奉天原係國初根本其處民人命產竟難相保一如此大患推問何曰曾讀上諭摺奏其故有二一則水旱之災民受窮困強壯者搶掠為生軟弱者無力抗拒因亦從其為賊皆係天意人等孩防一則各省官吏或有失義或係無才事先不能防備事後不能辦治此係人事據見邸報尚屬人多天少一至于軍務捕務更聞邸報可知軍務缺兵捕務之役俱由原額錢糧甚少日所支者尚不足原額之數至于錢糧一節則地丁糧米鹽稅脫欠甚多總之所有入國大宗無非缺欠外省因缺銀糧只得設法權計亦不過暫顧目前即如內地運貨厘金收稅內外商局均受其損尤因隨時隨事開局征稅不能不設官該員俸祿有名無實何能保所征皆歸官庫就是所征盡歸官庫則時事未平易得藉故支用果有不歸花費即屬虛糜一天下豈無能治之人可謂不乏賊已漸平惟海邊內地尚有數處或云總有通商各口幸有外國保守因此而得外國人日閱京報確知中國大臣定有認真出力者有為中國志身者其得立功效甚足嘉尚然而中國欲憑一處偶見即將天下大局挽回決乎不能何耶此等良臣不能處處皆是而且不能久任地方常往別調用而有人補其缺未必盡一樣出力認真天下大患甚重決不能恃一二處良臣盡力遂遍除全患果能天下太平總不能按成例舊法得益要在早為圖之吏治官役不分文武皆求其寔務使糧餉充足而中國可足餉之要有二焉一則自取本國之材務期濟困一則速與各國篤結友誼一以此新法辦理古來從無此道是以中華各官不甚樂為外國未明其理蓋查華儒最重之書內載窮則變變則通通則久竊思果能按此而行不數年生民即可甦困無如官吏紳士論及變通二字只以變回舊法方保國政必能久通亦非無故因見世間歷代興衰多有變亂多年難于治平亂極甚有無主之

時各有彼此改打百姓皆疲終有英雄出世有力平亂黎民以為奉天甘心相服伊既開國為治悉遵往古之法初時數安斯次
滋生事變使舊不治是與時與古相同衰時亦與古一樣此中華史鑑屢朝世有之士人見此興廢視為轉輪之常自問其後
必仿古而知惟目今欲思良法只鑑古而行若然則為誤會之至蓋內政外交兩節今已互結不能分論此與古不同之要處也
一天下各國分論東西東國之間中國尊崇自古以來四面鄰邦皆向化間或不畏兵威無不共服其教三千餘年皆是如此其
間東西諸有並未來華有偶然一來如今泰西諸國或與官悉往來或與百姓通商其國若論智略不亞中華若論兵力似覺稍
勝各國在華各有要務不能棄中置係中國立約許為相保如果肯保深悉力有可及所謂中外互結一也歷代史論寔無比照
之處則天下大亂終或不能平治欲問後來結局自難酌古準今仍照前言往古興衰常理蓋中華果至終衰之時諸國各有要
務見必受險難免干預保全一國干預諸國從之試問將來中華天下仍一統自主抑或不免各屬諸邦此不待言而可知一茲
論終衰之勢或問何用此言此史鑑所載歷治亂代曾問士人皆以 國朝遠勝前代自壬子年南省會匪滋起動稱義兵 欲
將江山恢復漢人而十二載以來除甘為賊匪以及愚賤從附其外體面富庶問曾有乎即亦有甚少也觀此天下賢智百姓至
今未有異心若謂終衰可計今非其時賊匪斷難遽能成事而內地日久未平百官仍執己見不肯外借新法則賊患難平至于
終衰而中國尚因別故亦難防其移權之厄此別故者各國大局係中國一日不能保全各國一日難免代其承保而使外國代
承保實是免外國代為作主此中國失權危險之處曾已提及不能不為再論

續新議論畧

一若中國好古惡新者內有每稱各國新為設法代謀具名雖似相助其實無非私利意欲後可占地自立而細看此數年來各
國相處情形可以信其必無是理溯道光己亥年英國失和三年未絕方能罷兵定約時除香港一處本係民稀地荒小島此外
有聞英國索要荷地又至庚申英法兩國帶兵北來兵勢正盛何難逞其欲奮之心乃北上未定大局而止英法之兵尚代擊退
金陵之賊後增條約一得在京畫押兩國全軍立即往南退去旋據續約所載抵項未完尚須留兵防守數處而未結未收各國
先行調回又以換約以來五年之間條約以內屢有未盡之處外國雖屢經分辯而通商各口一帶皆為合軍協同剿辦有人謂
助勦亦謂我國商民之利益乎此語非虛亦可見并無占地之心如其有心尚肯助官擊賊乎一英法兩國如此協同總非有心
侵占不言可知而好古惡新者甚疑新法包藏惡意試問惟中國另取新法催之更甚者係何國大臣多英法兩國大臣也蓋其
設疑者實不知各國代謀諸事不惟於中國無損反於中國有益雖謂於中國有益實於中國更有大益何則中國果能聽議各

國民人進華固能取益而中國一取其策而定保其富平富平一保自主之亦能永保不移更有所議者絕無外國之利害為議一中華全益者即如命大臣駐各國京師一節英國清告非止一次或問外國有何裨益實無其益若問中國有何益蓋虛實多焉蓋各國原命大臣進華駐京其意云何無論英國他國實慮在外每起辯論無法可以了結誠恐易生兵衅五年以來屢有各國雖陳不合之件若如從前無代國大臣駐京易生事幸因有此得免此於友誼大局彼此均為有益惟遇設有何國大臣所定中國之意不同中國既無大臣駐伊國只由伊大臣自向本國辯駁何人在彼能代設辨然則中國肯命大臣駐外國此外國駐華更有益此外國全益與外國無益係外國大臣代議牧設能駁本員之良法尚有人疑外國代謀必藏惡意觀此可知其言之誤矣一此議既為中國之益而中國不肯行外國論及非以各國大臣駐京不便暫不便暫時通融辦理慢圖退去則無以知其不為之心此節姑不論而命員在外國又有益處中國尚未見及固無足怪但不如聽勸而行況際天下大亂之時須行更甚蓋泰西各國素以相命大臣為盡往來之理以同禮者聯為局中不同禮者視為局外中原果願一體互命其益有二如今中國獨立不與鄰邦相交各國未免心寒能與相通度可易虛為熟各國有關心之心斯其無故之漸較易防堵抑或適與何國因事較論中華果為有理其餘各國必同用力相助用言相勸一此乃外設代國大臣之議可見係中國全益其餘新法各事外國雖受其益中華受益尤多如各省開設鐵道飛線及開采五金煤礦操練屯陸各軍國用不足約請借貸醫學各項設館教習以上各新法中華如定意試行各國聞之無不忻悅蓋固多焉一則中華試辦其初須約外國相幫造熟習方能辭去即如海關稅務司自設以來內外既免生事稅銀亦見其增此條管理通商各官無不知而稅務司數員雖皆請外國人而請辦各員管理稅務其權是否皆在中國外國無一肯駁更俟將來中華能悉外國語言規矩至辭去外國各員自理稅務中華具此材能外國無不欣美之極而設稅務司兩舉原係外國代議中國成例向有此條此則外國代謀變通之法未必於中國有損轉為有益至各國又有忻悅之故一則前法新項商局大受其益二則內地從此容易治平外國人來往通商易得保全各國亦可無慮其忻悅者此也惟思新法中華取用外國得利而內地之亂可望太平國幣之虛可以充實此均中華倍得利更有得利者在保全自主之權蓋各省既平洋商可保無危用項既足兵力可以自強由此庶幾可仿外國干預代為致力之損此免疑權之計其最要者此其一也一論中國自主之要一則借法興利除弊以期內地復平若論其二立宜設法更求外國和睦如果不能立命代國大臣往來駐紮亦疑設法使其免疑見輕前所言外交冷淡此乃寔言總理各國事務衙門一處恭親王暨列位大臣與代國各大臣往來皆係大禮相待並無絲毫不用此屬至善而內外相交餘禮不分京外尚覺差不如斯即如泰西各國京都代國大臣

前往駐京每得入朝秉政各官無不相結來中華京師大不相同實緣中國向來之禮從不願與外國交易閉門不納外省尤甚各處官士不明發其意皆暗存是心外國官民無不留意於中念中外各國三十年來數次失和細查其故總因中華有來無往蓋士人素言各國技藝材能雖有所長總不如中華禮義學問之盛又言中華天子尊榮最上諸國之君果欲相交尚以不能平行欲問鮮起之原寔由此也而外國理論官士露時不佳之心寔由此故而致何以免抱怨之漸惜中華官士論及外國事務大畧分為二端一則有如前言變通二字只以變回舊法因查史鑑所載周王修內壞外但復此策即可太平天下一平嗣將遠人一齊逐出一則或云變通亦可不少必先變通而後能安定後再將遠人驅去如此前後兩論一問何以不用新法因是新法而已一問何以不用遠人因是遠人而已其論或欲專主舊法或欲稍去新法於大局毫無利益而見言色反於中國有損蓋天下大亂日久起色甚少各國因其屬民有所思慮明知中華不求新法大亂難平而中華總不自取亦不聽肯人代謀為此更有所慮况見各處官士皆有外視之心尤增易致氣惱之情一總之近聞各國官民分輪中華目今及後之事情條約所載優待之處凡我官民未能無得失無論於我國體商局兩端中華皆有未盡或問通商各節何以不能盡守條約每答以內外未平官民未足惜力真有未足通商各口近見防賊非畏外國之民即用外國兵力打退甚至每有賊來之處但有外國人居住本地官民即可無慮然雖如是而百官仍以各國不能平行眾士原有作官之基亦皆其熟此理外國代籌預防雖是而卒不肯從屢見外國無非相助之意中國猶疑為敵之心雖自無力尚輕視外國外國以信代謀何如定亂總不肯聽力雖疲極尚望天下自行挽回反將反夷逐何出况匪類原係華民實因吏治不佳生變試問助官原期保民官既侍民未周助之何為故此我各國無庸待其首做果其不能逮於自敵則代其立意設法反欲將我逐出究屬何意迨至此等時勢我國尚須自來保護如何即刻先來其矣將內地治理廣取財利不但我民取利有裨即華民亦受平亂之益若論華民改為外民何謂取益實既受苦累之極或問外國如此措置必致損財實因不難補償此等外論初亦有之近來稍見其多矣一外國如此議論非不知歷代隆風蓋知中華早以聖教文化迥出東方諸國之上是以東西各國無不欣慕尊榮惟念時勢之艱世世有之而史鑑所載中國最為尊崇之規亂機將至未見能預防變亂屢次相生亦未見觀前失以圖將來防備中華之患如一年之患四季循環者其興衰始終皆成一律直至前明均不能謂後代比前代顯有隆污又有人云堯舜之時為最外國人考內外不同之事惟以此併為獨奇蓋查進華之約英法俄美各國以其五百年與千年以前相比五百年景況較前為強以目今與五百年相比則目今與五百年前愈強又念自古以來四海之內無論何國如不欲治比其鄰盡力勇進驅未聞不為鄰邦所併試問中華豈今隣國仍是匈奴西番乎

英國早得緬甸一分法國亦得安南俄國分在西路朝鮮之外或問三國皆有必占內地之心乎此姑無深論要在論要在英國已有緬甸離雲南不遠法國已有安南離廣西不遠俄國不必再論前項二處與中華連界一萬餘里可應者不在外國有無侵占之心而在各處有易侵占之勢設若中國復問續增條約立定五年以來三國所辦事件中豈能盡情盡理乎而三國之待中國惟恐或有不周中國之待三國亦有所不同之處若論如此內外即應互相體諒而內外之力均平此言可用惜力不平則此理恐難常保強國不即力求伸屈彼即自為體諒至今並無求伸之舉固因友誼皆知中國現在大亂尚以諸國向以一國不肯輕動則各國均不輕動惟思各國既已負屈各國又有難言之事尤以果有舉動則諸國莫不取益念此更思各國正強倘遇一時或有不合之處無論關乎體制抑他故忽見某國若非構兵亦必用言挾制所有前問新議中華向不自取某國勉強代為豈得碍於中國體制設或代為之時外國之人用中國之財將中國置之不問猶得謂之自主乎即謂暫存之像亦恐難保其常蓋因一起代為之端何有限制此則目前之危若問易危為安只有一言中國果有立意速借新法之實形則各國一聞必皆盡力相扶倘疑中華如此嗣後有謀國察機偽圖其利則有偽於中國不必疑也各國皆有應圖之利必不令一國專取可知此中專有保甲國得以自主於其中一總之此次所陳事在不思變通仍舊法而執此成見非謂總理事務各國衙門中所陳者實因其餘百官不知外國事務條屬何事更不知外國相交較諸事尤為扼要因此凡有外國之國新議皆以為不無竊思目前景況內地隨處自有新機無論百官願否更改而為事甚迫似乎不欲前進亦確不樂必進之勢也要在勇往方免牽制直言之嗣後中國不久必須擇定兩節之一自招外國人協同去弊興利可以永保自主之權或以仍舊回疑杜絕外國則外國亦以疑心相待中華言動或有細故以致准情相復必於全體無失之道關係匪淺簡言其理從則可以興而復強否則必致衰而不振

巴黎復陳俊臣中丞書

捧讀另箋詢及洋務之要端謂必知彼之所長我之所短然後辦理不至孟浪至哉言乎茲三語者即是普天下辦洋務之圭臬南鍼再貢千言萬句亦不能出此範圍矣弟承籍餘陰渥被 皇仁初登仕版即越數萬里而遠使敵廷自問備員而已實不得謂之通知洋務上年改訂俄約收地未全內疚方深都門士大夫以為稍能補苴前約之綻漏不復苛責來書亦引為弟功過垂獎借讀之益增愧耳又遽許弟為識途之馬而下問馬愈覺惶然無以為對去歲答王祭酒二函管蠡之見願書一二錄稿奉上不審有當尊意否西洋諸國越海無量由旬以與吾華相接此亘古未有之奇局中國士民或畏之如神明或鄙之為禽獸皆非也以勢較中國如之己能自強則可似漢唐之取匈奴西域吐蕃回紇若尚未能自強則直如春秋戰國之晉楚齊秦鼎峙而相

角度長而大耳彼諸邦者咸自命為禮義教化之國平心而論亦城與島夷社蕃苗犴獠情勢判然又安可因其禮義教化之不同而遽援尊周攘夷之陳言以鄙之耶禮義教化雖有不同然事之不在情理中者則雖僻在數萬里外之國亦不能經行而無滯弟愚以為辦洋務并非別有與突遇事仍宜以吾華之情理酌之理之所在百折不回不可為威力所詘理有所不足見機退讓不自恃中華上國而欺凌遠人可許者開口即許不可許者終始不移庶交涉之際稍有把握夫彼此風俗既異刑律亦殊兩國官紳辯論情理誠未必纖悉必合然在位者若肯細詢彼國風俗刑律所以致異之源亦不難詳論婉商折衷一是也各省難辦之舉常因民教不和若能撤去選舉於紳民陽遵條約暗拒教士之成見專論其事之無理有理不問其人之是教非教則棘手之事亦當漸少惟西人之赴華者較少安分守禮之徒工商教士之嗜利者無足論已即洋官亦往往昌言於眾曰處東方之人不厭謫偽去詐用誠難以成事編為口訣轉相授受此必有前人已行之陳迹足以召侮而來訕者思之喟然初出洋時寫日記寄譯署不知滬人何由得稿公然刷印奉一冊以供一笑使俄之役有問答節略已陳之留狗不足復觀倘我公亦欲閱之下次當承命奉上

振興中國論

夫人一身必服絡貫通氣血充周情志暢達而後精神克振百體俱康為國亦然故鐵路者所以通國之脈絡也銀錢者所以充國之血氣也郵政者所以達國之情政也三者備而後富強有本百廢俱興方今地球各國莫不於此三者竭力推廣泰西創法之善固早徵乎實效日本仿行其法亦且底於小成何中國可視為可有可無之數乎且斯三者在地狹民小之小國易於周轉有之固益便利無之亦不甚為病中國地廣民多往者互市未開利不外奪有無尚不足為輕重今五洲通運萬國觀瞻何尚淡然漠然乎今即三者而深論之鐵路議築已久言利言害一傳眾咻既而各大憲先後遵旨奏覆張香帥議築先幹路自京達漢分年籌款已蒙嘉許似可立見施行詎又為浮議所阻其自開平接造之路既已南北交馳官商分辦今年忽又停止雖因經費不濟抑亦未嘗重其事耳若果重其事極力推廣則當此倭人犯順用以運兵運械電掣風馳何至遲悞戎機哉所望當道懲前毖後勿畏難勿惜費速踐前議次第開築俾鐵路終克告成有如脈絡貫通則振興之大綱得其一銀錢議鑄亦屢前此試辦多不得法故皆無成近年粵省早經購機開鑄辦有成效而所出不多難資流轉他省未聞有繼起者豈以其未能獲利而觀歟夫鑄銀與圖法理同本以便民非必求利利若過厚法必不行然初辦無利者久辦即可有利者小辦利薄者大辦自然利豐且使即無利已免行用洋圖而暗受巨虧於外國是即利之大者况非實無利乎亦視辦理之善不善耳所望當道知人善任立

可大可久之規就粵局成法而益加詳審追鼓鑄既精且熟尤必兼設官銀行以廣流通俾商務日盛財用不匱有如血氣充周則振興之大綱得其二郵政亦整頓無如屢作屢止今春側聞仍歸赫總稅司經辦既又寂然殆因軍餉德姑暫緩歟夫古人置郵雖置國報亦兼通民信泰西郵政初亦仿自中國而辦理特善遂為國家增一大宗進款而民亦以稱便其在本國固無處不通又立為國郵約彼此互為遞送惟本國不能任他國開設信館以一事權法至善而利至溥也日本遂亦仿行自彼國明治九年始即我遣使至歐洲各國與互立郵使之約亦復章程井井成效昭昭以光緒丁亥一年計之彼國所入郵稅得二億二萬三千九百四十八兩有奇自後每歲有增無減若中國仿行其利益何啻十倍而中國于郵政一端獨不果於整頓既坐失其大利又不便於商民誠何心哉况輪船電報成局已久其於郵政事已過半而猶任外國信館民間信局各私其權諸不妥善國家轉歲費巨金於特設之驛站上下截然兩無裨益是真難索解人矣所望當道母惜反手之勞於一轉移間俾郵政果整有性情志暢達則振興之大綱得其三三者皆中國今時之要務如欲振興須亟圖之庶幾大綱既立條目斯彰舉凡善法可以致富強者即不難次第從事矣至於若何辦法則三者各有要領及詳細章程早經中西多士反覆敷陳茲不再贅

要言不煩大綱克舉

天南遐覽評

上孫太臣書

總署各文及覆奏摺季少司寇原摺均讀悉此事本官書局亦擬辦前總署議復胡侍御條奏及執事奏明開局各一摺均已一聲敘計所辦者五事曰藏書曰博物曰印書曰設學曰印報亦奇覺設學事大且繁非書局所可容納曾撰學堂議一首數月來諸事稍有頭緒惟款項無幾儲待徐如擴充而學堂一節則以小試無益大辦不能是以屢次籌商不得不遲遲有待今皇上特允所請且責成官書局是不可以再緩矣亡羊補牢已至今日病深膏艾更需何時謹將目前應行先籌之事分陳管見十條如左一曰分眉目書局學堂本應分為二事如印書印報書局事也設學藏書博物則皆學堂事也書局不必過大取足舊書纂書印書運書及譯報印報而止學堂則須容師生數百人且藏書以供披覽博物以資考驗皆與為一不可相離規模須先事斟酌為入奏地步有規模入奏方可就規模請款規模非可臆造擬請電取各國大小學堂藏書樓博物院一切章程圖樣兼諮博採擇善而從或恐時日稽遲則先將此意奏明俟定規時再行詳奏一曰請款項既有大概規模亟宜奏請大概數目款有着落方好措手凡二端一為開辦成本一為節年經費須分晰不可含混至籌之何處所撥何項款悉聽 朝命不必預揣一曰派官員有定章有的款而事非人不辦凡事百聞不如一見京官多公忙且曾經游歷者少擬請奏調外官之曾游各國諳練

情形者一二員與京協同辦理或竟延一西員襄辦尤佳一日分職掌書局分派各事固已責有攸歸今則加建學堂其事愈大愈繁尤非各專責成不可擬請奏設各項職掌使承任者不必有攬權之慮代攝者亦不至有侵官之嫌至薪水獎敘兩端書局不過就紳辦情形朝廷津貼銀兩並欽派大臣管理今特設學堂則係國家創舉擬請於二者中奏開其一庶將來易於集事一日嚴出入中國款事于款項出入或不能一律認真擬請照現在辦法使絲絲入扣款不虛糜一日審基趾京城屋宇格式萬難舒展賃借皆非所宜擬請奏撥極寬官地或出資購置私地從新創建創建之外仍須多留餘地以備擴充即今地中難得城外亦無不可其總堂分堂各學館舍擬請照前撰學堂議分定別制不可因一時辦理不齊稍從小就一日選人才京師者天下之根本樞紐也取材京師所成就者幾何擬請咨行各省選聰穎子弟送京分途執業寬其途以取之庶幾雲集麟萃人材將不可勝用一日延師儒中西學問不可偏廢擬請各延總教習分教習若干員而西學門徑尤多且其學皆專門名家擬請分門延請不必與中學一一比附執業者或兼或專悉聽其便一日明賞罰取材宜寬而設法必嚴予以出身之階則重賞歆前略仿移邪移遂之制則嚴罰驅于後中國洋務歷皆有賞無罰故人才不出今宜力矯此弊庶幾羣材奮興以上各條姑就大概言之其詳細辦法尚未暇及是有可擇採惟察而教之幸甚

貴私貴虛論

呂氏春秋曰老子貴柔孔子貴公墨子貴兼莊子貴齊列子貴虛商子貴私嗟乎私與虛也何可貴之有而居然指此為教人之圭臬乎哉中國自秦漢以還二十年來心法相傳實坐二者之病以至今日陵夷破裂受侮外之人也請言貴私之病天生民而立之君使司牧之君者羣也所以公天下也後世人君有天下則私天下有一國則私一國為之官吏者有一省則私一省有一邑則私一邑有一郡則私一郡一若上天私授福命應為人君小民之性命身家皆有私產使聚斂之魚肉之驅策之而民不敢有私忍此犯上作亂之事所以閱數十年百年而輒一見也其賢自矜安者靜催科折獄以無事為能至于教養之存安之富庶之古人所為視民之事如己之事者彼以為小民之視私也我而強干預之此何為者且我之私計在積財帛以遺子孫日經營刻無暇晷而兼顧他人之私以誤己之私非天下之至愚孰肯出此其或水旱疫疠死喪疊疊直等之草木榮枯自生自滅已耳自餘治一職則私一職任一事則私一事嘗一局則私一局各懷意見各分畛域各恃才能美其名曰因公為公急公而實有一牢不可破之私意結私黨用私人積私財置私產皆假公以濟其私天下皆私也忽有一不私者出焉則羣相駭愕疑之畏之忌之惡之誣之謗之排之擊之其甚者並翻然舍己而從之其愚者則困苦煩連而死耳哀哉天下皆私豈容一人而獨公哉彼

民之從上也如形附景如響應聲亦遂各私其心各私其才各私其力父子不相見兄弟不相親妻子不相合朋友不相信強者併弱者併愚者併貧者併善上之視下也如犬馬下之視上也如路人上之視下也如土芥下之視上也如寇讎寢至盈天下四萬萬人各懷其私各行其私各是其私而中國四萬萬私人遂成四萬萬私國任聽他人欺凌侮罵鞭笞捶扑而俯首帖耳無可如何矣皆在上者貴私之一念誤之也皆商君貴私之一言成之也豈及身軀裂遂足以蔽其辜乎請言貴虛之弊黃老之學空談玄理以虛無為旨以清淨為宗其言曰人之大患為我有身我如無身更有何患身且不有何有於身外之物寢至蔑聖事割斗折衡晉人清談風流放誕天下皆高人劉越石以勁騎蹂之而中原文獻盡矣此老氏貴虛之弊禍極於六朝也梁武舍身同泰佛氏承之剝宇樓臺偏於南北隋唐以後其敝益張使天下之財罄於布施建寺天下之力盡於膜拜率經厥後藩鎮相尋踵以夷狄殺戮死亡之慘百人中僅活一人此佛氏貴虛之弊疊鍾於五之二氏者皆引天下人心於幽昧虛渺昏蒙之域而設牙截角剪翼絆蹄以待虎狼之吞噬君相之貴私者喜其易制不能我為我患也因而用之於是乎萬事皆虛全身則實矣既不能自保身其即無由自脫於死矣哀哉天道好生而二氏之教乃務開錮拘繫而死之是誠何心哉自宋以後理學昌明然說性談心仍落二氏之窠臼於古聖王之大經大法所為保民而養民者毫不能放其究竟定厥指歸而日斷斷於王霸之分斥智勇功名而不用其託體愈章其惑世愈甚其大弊仍失於虛夫虛者弱之根也遼金之後踵以元兵一統中原宋社遂屋貴虛之有益無益足以保民與否守國與否其效可觀矣遷流至於至日人心陷溺難可挽回天下皆虛也即天下不知有實也其在土則封爵虛官職虛俸祿虛科目虛文試之時文試帖虛也武試之弓箭刀石虛也當官之移文奏報虛也示民之條教號令虛也其在下則風俗虛也章服虛也婚喪禮制虛也星命卜相虛也各種之華奢侈無名之費用虛也乃至各種學問各種教化幾幾乎無一不虛於古人保民養民之大經大法實足以贊天地之化育者蓋漸滅清淨百無一存焉者矣嗟乎中國地大物博人稠而君民上下以虛相蒙以私相遁至於此極而忽有他人焉以甚公之政治法律出而臨之以其實之精兵利械入而摧之危乎危乎拉朽摧枯安有全理雖然天下事盈虛消息剝復相尋無平不陂無往不復陽極則陰生陰極而陽生此天地始終之公理也私之極矣將成大公虛之極矣將歸主實欲大有為者曷亦返其本矣

廣論危言

日人以經營臺灣為戰後第一要事政府新置拓直務省隸南郡局以管掌島政又開臺灣總督府置總督付與管轄全島之權府中設民政軍務二局分掌文武兩政置臺北臺南臺中三縣及澎湖島廳以司地方牧民之職然一年以來產業未興交通不